



Instalacion oficial di e prome miembronan eligi a tuma luga na Universidad di Aruba



Studentenraad van de Universiteit van Aruba" a bira un realidad

Un dia historico den e storia di SUA"

“Studentenraad van de Universiteit van Aruba” a bira un realidad

ORANJESTAD -- Despues di hopi esfuerso, dedicacion y perseverancia Studentenraad van de Universiteit van Aruba a bira un realidad. E instalacion oficial di e prome miembronan eligi a tuma luga na Universidad di Aruba na unda parlamentario Sr. Rene Herde, Rector mr. Glenn Thode, decano- y studiantenan por a presencia e acto di instalacion unda cu e Rector mr. Glenn Thode di Universidad di Aruba, Suzette Kock voorzitter di SUA in oprichting y Leanne Geerman voorzitter di SUA a sa di duna un bunita palabra pa e comienso di e ruta nobo cu SUA lo tin.

E miembro nan di SUA, lo traha como vocero di cada un estudiante cu tin na Universidad di Aruba treciendo e estudiante su preocupacionnan y consehonan dilanti. Na e manera aki SUA lo sinta hunto cu e decanonan i rector pa trece solucionnan na e areanan cu por wordo mehora. SUA su vision no ta pa solamente ta e vocero di e stu-

diente nan pero tambe pa uni e estudiante nan hunto. Pa e rason aki e miembro nan di SUA ta consisti di studiantenan di cada facultad cu a wordo scogi door di nan propio facultad. Apesar di nan facultad SUA lo ta e representante di cada estudiante. Den otro palabra, cualkier preocupacion cu un estudiante por tin, nan lo por acerca cualkier miembro di SUA cu lo ta cla pa yuda nan. E eleccion di SUA a tuma luga November 16, 2012 na Universidad di Aruba pa asina zorg cu cada estudiante tin e oportunidad pa vota pa dos candidato cu nan ta kere lo por representa nan facultad miho. E resultado di e dia aki ta consisti di 9 miembro di SUA, cu a keda den persona di: Leanne Geerman, Richaline Martina y Christopher Habibe di e facultad di FEF. (Financieel Economische Faculteit) Ruel Wester, Janeska Giron y Patrick Vrolijk di e FDR (Faculteit der Rechtsgeleerheid) Yanelis Jimines i Tatiana Pena di e facul-

tad di FAS (Faculty of Arts and Sciences). Deanna Pinilla di e facultad di FHTMS (Faculty of Hospitality and Tourism Management Studies) Despues di e gran eleccion aki tambe a tuma luga un otro eleccion chikito entre e miembro nan mes, pa asina nan cera conoci cu nan posicionnan den SUA esaki a tuma luga ariba 22 di November 2012. Riba e anochi aki e miembronan di SUA a scoge entre nan mes ken lo fungi e posicionnan den SUA. E posicionnan scogi a keda lo siguiente; Public Relations Officer a keda den man di Deanna Pinilla & su Vice lo ta Richaline Martina. Tesorero a wordo scogi como Christopher Habibe. Secretaria te titulo di Janeska Giron & su Vice ta Patrick Vrolijk. Finalmente e Presidente ta keda den persona di Leanne Geerman & su Vice ta Ruell Wester. Nos ta sigur cu cada un di e estudiante nan aki, hunto cu cooperacion di tur estudiante di UA, rector y decanonan, lo haci un bon papel pa asina nos tin un miho Universidad di Aruba. □